

許指嚴著

指嚴小說精華

上海國華_新記書局印行

◀ 究必印翻有所權版 ▶

指嚴小說精華

中華民國五年五月三版

全書洋裝一冊

定價大洋一元二角

著者 校勘者 印刷者 發行人 發行者 分售處 代發行

許指嚴 包醒獨 國華新書局 舒文 中國新書局 各省各大書局 上海益時還書局

總辦事處 上海九龍地露香國華新書局
總發行所 上海五馬路麥家國華新書局

上海國華新書局發行

筆記 小說 指嚴小說精華目錄

政治小說	秘密外交	一〇
政治小說	女蘇秦	一〇
政治小說	女蘇秦	一九
寓言小說	喇嘛革命	二〇
寓言小說	喇嘛革命	三一
滑稽小說	九日龍旗	三一
滑稽小說	九日龍旗	三八
社會小說	勝藍痛語	三八
社會小說	勝藍痛語	五一
社會小說	武員醜史	五一
社會小說	武員醜史	六〇
社會小說	秘密談	六〇
社會小說	秘密談	六五
家庭小說	度劫庵	六五
家庭小說	度劫庵	七五
醒世小說	桃花毒	七五
醒世小說	桃花毒	八三
醒世小說	楊爲我	八三
醒世小說	楊爲我	九三

指嚴小說精華 目錄

二

諷世小說	八面鋒	九三	一〇八
諷世小說	姊妹花	一〇八	一一八
怨情小說	可憐蟲	一一八	一三〇

筆記
小說

指嚴小說精華

武進許指嚴著

政治 秘密外交

予友某君外交壇上之飛將軍也。偶從談讌，因忖取外交家趣史爲下酒物，舉一亡國大夫之秘史，言中有物，極嬉笑怒罵之致，可紀也。南非有某共和國者，其初本爲荷族自脫羈絆，遂倡共和，民氣囂囂，然自以爲革除奴性，打破奴關矣。顧改革之際，內容意見紛歧，不獨暴亂派過激派之各樹一幟，卽緩和派穩健派陰謀派舊官僚派之排擠傾軋，互爭壁壘，分枝並出，幾於不可究詰。此就性質上言之也。若就地方習慣上言，尙有所謂東部黨西部黨東北部黨西南部黨等，各有來歷，各守系統，門戶水火，軋然當共和初建時，過激派先占優勢，其後因外交上關係發生過激派萬不能得外人之歡心，因稍稍排除暴亂派，以示親善。然於交涉上終不得要領，日呈失敗狀態。是隱謀派起而乘之，因外人雖爲民氣所迫，承認獨立，而其殘餘勢力實潛伏於

中未嘗消滅。一旦爲陰謀所利用。甘心爲虎作倀。而於是輸入外資。購用外來之軍械。復挾種種陰鷲惡毒手段。驅除異己。而過激派完全失敗矣。不獨過激派自身受傷。卽穩健派。緩利派等之與陰謀派。宗旨不合者。亦遭擯斥。一二不肖分子。則爲金錢官位之慾望所誘惑。蕩婦失節。敗將生降。黑幕中奴顏婢膝。不足道矣。惟舊官僚派與之沆瀣水乳。一躍而恢復其原有之勢力。如探囊取物。外人又從而利用。嗾使之於是赫居責任內閣之首領。名獨裁者。遂以舊官僚中之穩健派。而爲陰謀派所推戴。崇奉又實東部黨中之巨子也。恃其資格老大。權謀術詐之士。供其舞弄。實亦不啻爲彼輩之傀儡。彼此利用。而勢力寢熾。炙手可熱。過激派數萬。人不甘雌伏。起而對抗。而國內騷然不甯矣。則獨裁有惟一之戀棧法。則秘密外交是也。

今試爲諸君述獨裁首相之秘密外交所持何法。所用何策。則其事至爲特別。且饒有風趣。蓋其所恃者。乃一密室中之電話機。而司機生則爲最寵愛之姬人。美麗娘也。美麗產於該國之東南部。父爲英之蘇格蘭人。娶於土著女。而生子。卽美麗娘。長有姿容。富才學。入東部黨之陰謀派中。爲女黨員。性機警。饒智數。狡黠工心。計自信力甚堅。能

見機決事。勇於實行。蓋健男子所勿若也。美麗既挾此才能。矢志欲有所發展。不肯輕於適人。初從某舊官僚爲諮議兼書記。某欲攫之。使充下陳。美麗謂某雖勢位赫然。如朝露將晞。非可恃爲耐久交。且吾將遇命世英雄而後嫁之。某已尸居餘氣。非其倫也。遂伺間逃去。游歷歐美各國。數載始歸。則共和國已成。某亦下世久矣。聞獨裁樹秘密黨幟於某。所以黨員某之紹介姑往一覘。丰采既見。獨裁與縱談大悅。詫爲女界中之麟鳳。而美麗亦心服獨裁。若曰此人可與圖大事。償吾願欲矣。遂屢謁之。獨裁漸加親信。遂嗾其黨諷令嫁己。爲小妻。美麗曰。獨公位望才力。妾亦傾慕之。非不欲委身而事。然今尙非其時也。無已。俟獨公正位。首輔握有全國政權。妾然後以身奉託。其可乎。獨裁聞言。歎曰。是吾心也。獨可貽羞於一女子耶。乃出死力運動政權。不一載。果排斥他異己黨。而組織獨裁內閣。竟達目的。而美麗亦踐前言。爲顧美麗之挾有大志。初非愛國與羣慕女傑羅蘭之故事。竟肯犧牲一己名譽。甘爲妾媵。以成其希望也。徒以野心勃勃。個人權利之思想。較尋常婦女爲擴大。故亦欲求一野心家爲之配偶。供其利用。而青年志士或進取俊秀。無論意氣勇銳。未必如己之私願。且未來事不可知。

不能當前取給。故雖有好合之迷。非其所樂。反不如舍名就實。獵一資格。位望已達。競爭之程度者。而從之。已既可挾寵恃嬌。以搏取其內幕之全權。而於交際牢籠。一切得有憑藉。即可獲直接之效果。辱身降志。夫又奚惜。美麗持有此念。乃決計嫁獨裁爲妾。獨裁以其游歷歐美。嫻於外情。首與之商權外交方針。而於是美麗喜甚。以爲畢生之絕大施展。當於此發軔矣。初美麗漫游各國。盡挾其外父之資產。及其種族語言之關係。廣事交通。到處聯絡聲氣。凡政界名流。及在野之政治家。言論家。無不晉接日擇。一二野心家。與之竭意投洽。而於留心非洲事者。尤爲注意。以故暢曉外情。且含有交誼者。甚衆。在美麗之意。本即有心籌備。爲將來得志後外交上先占一着。以顯己之手腕。靈敏才能卓著。而惟一之目的。則在借款負債。典賣國產。於一己之富貴肉慾。大有關係。故不吝揮霍。乃父之遺產。爲他日滑稽外交上之資本也。及爲獨裁妾。首蒙許爲外交奇才。遂於襄助內政。而外得有辦理外交之特別全權。獨裁幾不過坐嘯畫諾而已。時西部及西南部之過激派黨人。反對內閣政策。斥爲破壞共和。舉兵討伐。勢甚猖獗。且舉有西部數省。於是獨裁內閣主。張激戰軍餉。一切要求外國協助。故外交上極爲

繁重且西部軍政府又時以書牘及舉特別權利要求各國承認彼爲正式政府外國正欲利用時機以恢復前此屬地之權力則獨裁內閣之岌岌可危自在意中美麗恰好於此時徐揭面紗輕舒皓腕以登此競爭之舞臺與各國公使相見其放嬌作態有一種欲自顯其驚才絕艷之意味至爲明瞭蓋可想見也美麗嘗謂獨裁曰外交界之所爲歸妾完全承管主公可不必過問苟有過妾自當之若有功則惟主公之幸福妾抒誠竭忠以從事萬勿敢有負主公也獨裁掀髯笑曰有是哉卿眞吾閫中之諸葛子房矣自是每對人言輒謂美麗所爲吾完全負其責任而使臣等亦與美麗情誼至洽凡美麗所要請未嘗有違難最可笑者該國之外交部長雖同爲國務卿而竟成木偶土偶自賣癡聾終日不事事一若爲美麗之名刺紙訪客未見面時假彼一用見面而後則投之故紙堆中而已雖然美麗果恃何術以顛倒當時之外交界乎請進述美麗羈外交界之絕妙作用初美麗挾胸有成竹之奇謀爲獨裁借箸而籌曰主公此際之外交非特爲敵黨所不樂聞卽一般國民亦恐不能強以盡願與其稍有洩漏而生梗阻毋寧加幾重秘密而妾者正主公之秘密復秘密之外交卿也宜爲

妾於府中深僻處別築一秘密室。室不須閤。敞而中有一特別之設置。其物維何。則單獨之電話機。是此機不與公共。電話廠通線亦不用公共之編號數。但通線於各國公使節署所在而爲單獨的行動。其接話等手續俱用極秘密口令。而且隨時更變。務使局外人無從仿效。而在公使節署一方面亦預訂特約別築一室。特置一機。如府中狀并逐日更換秘密口號。非公使親來接談。概不酬應。以杜洩漏之弊。凡生一交涉事項。非經過簽押手續完全成立。除王公外。雖外交部長不得與聞。務使新聞記者訪事人末由探悉一切重要商權機密條件。皆以此電話機爲惟一之樞紐。平時雖主公不得輕動此電話機。亦不得入此電機秘密室。以示鄭重。有此辦法。則外交上不患不如意矣。獨裁聞言。意雖不謂盡善。而業許美麗以獨斷獨行不加干涉。則亦未便參預可否。遂完全允許。聽其所爲。自是美麗匠心獨運。出其智力以成此秘密電話室。各公使無不欣喜贊成。蓋既樂與此絕代麗姝爲親密之周旋。而又幸要求之特種權利易於成局。減少第三人之洩漏梗阻也。無何室成。自是美麗之辦公室乃移於秘密電話室中。凡通話機之各國使署約五六所。每日間如無特別要件。必循例通話一次。若有提議。

事件則可隨意多開一機以備此一使署之長談美麗從不親赴使署各公使亦從不入府與美麗吻握而言語親暱意味濃郁雖深交膩友蔑以過之聞英之某公爵爲大使時曾與該國有商訂大借款及林礦合資開採等要件因與美麗結秘密緣一日十二時一時六十分幾無一分晷刻不親美麗之喁喁絮語所談亦不盡爲公務條件凡舉動之指示容態之描摹性質之說明瑣事之點綴間以譁浪笑傲詼諧百出或不免夾雜輕褻語美麗殊放誕非特不怒且務以口舌相勝或故作挑逗語以惑人在爵使以爲美麗之脂香紛澤如在抱中而在美麗亦恍如睹爵使之俊美儀容朝夕與共衽席也然二人實未經覲面僅以秘密電話爲媒介耳以故美麗之媚悅外交雖大致爲捐失國權專思厚自封殖而於纖微筋節處亦往往占得便宜致各使臣爲其豔囑所惑惜彼之宗旨在於自私自利攘奪個人幸福故國家終蒙其損害也試舉一事以爲佐證可以知其手腕矣

英爵使開議大借款條件時曾受英相指示機宜務以該國全國地丁賦稅爲抵押品而林礦合資則必有特別用人行政權不達目的則不付出現金其條件之苛酷足以

亡該國而有餘蓋久矣。視該國爲釜中魚幕上燕矣。爵使初至時，意氣甚銳，對於外交部長聲色俱厲，幾於無可置喙。外交部唯唯否否，形若木雞。一席話間，迄不得要領。方深詫駭，而秘密電話至矣。爵相曾稔美麗者，顧其事實則以爲聽者傳訛。至是始心動。電話中初僅寒暄慰問，爵使怒其無謂，憤欲擱置。其機忽鶯聲燕語，妙緒環生，且覺一種異香從耳鼓中吹入，鼻觀奇妙，至不可思議。無何蕩氣迴腸，沁心入脾，幾不覺身之猶在己室中也。方搖搖不能自持，急欲收攝心神，尋問底細，因故作忿恚之詞曰：「夫人何不現身說法，而弄此狡猾以欺人邪？」語猶未已，耳邊嗒然一聲，燈光雪亮，舉目諦視，不覺神魂俱飛。蓋一絕代之麗妹，活現於電話機上也。姿態輕盈，笑容可掬，狀似泥人以接吻然者。爵使此時腦筋奮亂，幾視爲美麗果能橫空而來，遽上前欲吻其頰，爲玻璃之架所格，脣間小撞，幾墮起如桃，始知係一影片爲築機時所預砌入壁間者。而於彼處啓電燈之機括，故能全身畢現也。爵使方詈其惡作劇，突聞電話中吃吃作笑聲，不止。爵使經此活劇，遂爲女妖魔法寶所壓，如醉如癡，幾於不能成話。每啓電話機，必兼啓其影片之鈴括，如對佳人而於是秘密談判開矣……借款事如何（美）須以全

國之地丁賦稅爲抵押品（爵）此直以國爲賣品耳。貴國何忍出此。最後手段。貴爵使亦何忍苦妾以所不能堪（美）然則奈何（爵）不如卽以林嶺爲擔保品（美）……語時爵使持機有間。不語若忖度。然者良久……此係兩件事。不能相蒙（爵）敝國民氣囂張。尙不以合資爲然。何況丁稅抵押。今不如由漸而入。以合資爲餌。以借款爲魚。聽君釣得幾何。不致臨淵。徒羨足矣。否則欲思一網打盡。反致垂簪而歸。彼西部黨者。已拚以某某權利。獨逸國矣（美）信乎（爵）警告已來（美）然則待聽命政府解決（爵）否否。速起草約。遲則無效（美）吾安得有此全權（爵）但草約簽字可耳。將以抵制西部黨。倘得平定。尙有特別報酬（美）……至此又停良久……必待面晤夫人。始可承允（爵）否否。須條件協定。持草約來簽字。則可晤也（美）敬諾（爵）現金須足付回扣。盡歸妾一人收入（美）亦允諾（爵）越三日。此草約簽字已在該國總理府中。小夫人美麗孃之繡囊中矣。及外間漸知。以爲損失國權。欲毀其約而已。無及。英政府得報告。亦大不以爵使爲然。欲毀成約。及撤換某使。至竟仍如前議。蓋秘密電話之魔力。無所不靡也。不數年。該國終爲英德諸國所分割。

予友又曰：美麗。後卒爲西部黨所刺，雖所行多不義，究猶愈於今日之典盡賣絕而不顧者。予笑曰：君亦爲秘密電話之魔力所攝耶？何前倨而後恭也。

政治
女蘇秦

歲暮東裝南歸，出都門，登汽車，意灑然也。車客綦繁，爭擁一席地，羌無坐處。忽鄉人子招予以手，知必有佳境。從之，果得後轅一區。三五人蹲踞倚裝，免譁擠，宛然世外桃源矣。少頃，喘息定，烟茗相慰勞，因引起劇談。鄉人子曰：子知都門近日新發生以女蘇秦案乎？予謝不知。轉詢曰：政客中乃容女子露頭角耶？曰：唯唯。否否。不然，請進述之。厥事既豔且秘，而暗幕中饒有趣味。大足實子稗史中資料也。予笑諾，傾耳焉。宣南八埠中有高才倡者，與錢塘小小同宗，而肇錫嘉名，有靈均紉蘭之志，卽與某巨案有關之洪憲偉人曾挈之偕遊滬濱，宛如伉儷者也。倡既擅色藝，又盛名譽，高掌遠蹠，輒足傾倒一時豪傑。凡都門顯要者，流罔不冠蓋過從。渠乃出半籠百態，亭毒萬彙之手段，徐起而收拾羣倫。幾莫敢脫其窠臼。則偉大之魔力可想見矣。所舍曰：松翠院、蘭閨、繡閣、陳設華侈，衣服飲饌之費，月必逾千金。近侍婢媼咸能以眉語以目聽，當洪憲帝制議方

熾諸元勳策士會議其幕中視爲秘密機關。又若前朝之樞密院軍機處焉。無以名之。名之曰女魔王。其間招權納賄。汲引人物。不可縷指數。蘇固坦然視之行。所無事也。顧蘇以勾通貴人。故淹滯京師。所與游者皆鬚鬢多髻。或薦肩火色。輩而顧影。翩翩者流。懾於大人先生之威望。不敢窺其室。況京師風氣。又不若海上一隅之自由。可以招致御者。伶人而有之者也。蘇大以爲苦。聲言吾苟得抽身。必圖南矣。無何。洪憲敗。政局驟變。達宮貴人多流轉。蘇處亦大改觀。始喟然歎曰。吾視彼等富貴。若敝屣耳。前後雖獲數萬金。揮斥殆盡。今而後。漸獲如意。耶。君託以終身。則所願也。乃變網羅爲物色。一日有年少客過訪。丰儀都雅。而談吐性格。又復溫存。蘇大悅。竭生平魔力。以羈縻之。客顛倒若喪魂魄。蘇徐審之。客乃蓮花六郎。後身而大行人之僚屬也。雖不齒於位尊金多之數。而京曹清貴。裘馬輕肥。亦自可人所惜者。使君有婦。未知金釵畫屏。能否相容耳。旣而往來逐漸親密。熱度日增。一日顧銷金窟中所耗。正復不貲。雖蘇以愛張。故加意體卹。而奩中所積。帝制造孽錢。年來亦揮霍盡罄。張探知之以互相體恤。不忍不勉力爲之。鋪張釵鈿脂粉。時有所點綴。而月二百金之俸。給往往不敷。於是稱貸以益挪移。

以應而個中苦況與溫柔鄉之樂趣相抵不足以償矧值歲時設宴施犒動輒百金以上而平日之歌筵博局猶不在此例張之困難自在意計中蘇之慧黠寧不解此因乘間謂張曰妾爲君故而茹荼自甘君恆期期以爲不可然自是日卽涸轍亦豈妾之所能獨樂哉無已其爲弋人之慕乎苟六博投壺相引爲曹此間得少佳趣則於君無所不利而妾之慾壑既滿然後作菟裘計乃長策也君其有意乎張聞言嗒焉似有媿色太息曰堂堂七尺而不能庇一婦人何以對卿且吾終不忍使卿自爲謀也蘇喻其意乃曰妾心如皎日願君勿疑設有不信第觀其後可耳張唯唯自是蘇皇皇若有所謀其門前恆有貴人車馬放汽聲鳴鳴然而室中酒味燈光頓增異彩同院羣姬嘖嘖涎羨曰聞此客乃財神第二固赫然高位者也學貫中西名播京外彼蘇者居然獵得誠好身手哉自是此貴人者遂日爲蘇小鄉親而蓮花六郎則惟蹈隙一來貴人旣嬖蘇甚乃卜香巢於某秘密所自是不復高張豔幟一般漁郎無津可問相顧作陌上之蕭誰敢望入幕之邨即貴人自命獨占春光金屋中穩貯阿嬌不許閒蜂蝶飛來探信可謂絕無疑義矣而無如蘇每晚必出出則深夜始歸貴人或先至問所往

則非手帕交之博局。卽某姨某媼偕赴劇場也。貴人欲自挈之游戲。輒謝之。慊累十請始一應焉。或貴人有事不及值宿室中。喁喁唧唧。若仍有相與爲偶者。婢媼咸知之。皆曰蓮花六郎實吾主人也。而大官顯者則傀儡耳。然貴人不知也。一日貴人因赴某議會。駕蒞中央公園。甫入門。彷彿見甬道旁綠陰花圃之際有麗人長身玉立倩影亭亭。雖所相者背而衣飾神態宛然爲蘇對立者一少年丰致閒逸衣冠極合時宜。瞥見貴人來若甚驚愕。佯注視花朵以避目電之刺激。貴人固識蓮花六郎者。心知有異。方欲迂道入花間窺察真相。忽聞有人呼己某總……長乃足恭迓迎之。某某部員也不得已稍假詞色。部員捧夾而進。周旋問函顧目的地一對野鴛鴦。己不知飛向何處。玄心甚懊喪。怏怏如不願行。部員疑語言不慎致忤貴人意。倍極殷勤而不知貴人意別有屬也會事訖赴宴。某所因借杯澆塊壘。竟至酩酊疾驅至秘密外交室時逾三鼓。蘇猶未歸。婢媼多方掩飾。貴人忿不可遏。擲冠投器。遷怒他人。臧獲輩皇皇罔知所措。正無奈間忽報女主歸矣。貴人倚榻臥寂無聲。瞠目向外視。若急盼其人之入室者。而女主殊遲遲蹀躞庭中。喁喁若與人語久之始牽簾入。雙頰酡然。醉態可掬而益增其媚殊。